

BERDAD NUNCA
A PERJUDICA
NINGUN HENDE
NINGUN CAUSA
NI NINGUN
NACION.....



DIARIO

DI ARUBA

Bo Matutino Netamente Arubiano

DIAMARS 21 JUNI 1988

ABONADO PA LUNA 15,00 FLS. * EJEMPLAR 0,60

AÑA 8 NO 2315

ILAN
CHESTER Y
SERGIO PEREZ
NA JAZZ
FESTIVAL

Venezuela tambe envolvi den preparacion pa hazañanan di Croes y Bisslik

ROLY BISSLIK LO LANDA DI VENEZUELA PA ARUBA

PAGINA 2

DIARIO

DIAMARS 21 JUNI 1988

Venezuela tambe envolvi den preparacion pa hazaña di Croes:

Roly Bisslik lo landa di Venezuela pa Aruba

ORANJESTAD(AAN)--

Mientras preparacionnan ta tuma lugar pa Kenneth Croes landa di Aruba pa Venezuela, di otro banda ya pa un aña e deportista Arubano, Roly Bisslik ta entrena pa e landa di Venezuela pa Aruba. Ya Bisslik lo a cubri e trayecto di cabez di Aruba te Aruba Beach Club den cuadro di

entrenamento.

Segun informacion cu DIARIO a ricibi, atrabez di e Departamento pa Relacionnan cu Exterior, contacto a worde tuma cu Venezuela pa asina prepara pa e momento cu Kenneth Croes yega Venezuela landando for di Aruba.

Mientrastanto DIARIO a worde informa cu ya pa un aña

Roly Bisslik, miembro di Parlamento, ta train pa cubri e trayecto aki tambe. Den su horanan libre, Bisslik lo a cubri trayectonan largo pa por ta prepara pa e hazaña grandi.

Asina recientemente Bisslik a landa di cabez di Aruba te Aruba Beach Club pa midi su condicion. Awor lo ta e intencion pa e landa di Venezuela pa

Aruba. Cu otro palabra, Kenneth Croes lo landa di Aruba pa Venezuela y Roly Bisslik di Venezuela pa Aruba.

Bisslik cu su hazaña lo kier recauda fondo pa haya un piscina publico na Savaneta, caminda deportistanan por entrena.

E lo a dedica basta tempo na e preparacion necesario pa e

gran hazaña, aunke el a keda semper leu di publicidad ya cu e no kier a mete su plannan como landador cu ningun aspecto politico, cu hende lo kier a duna su plannan. Pero Roly Bisslik tambe ta bon prepara, segun informenan cu ta indica cu e tambe lo cruza lamar entre Aruba y Venezuela.